

者有時而盡其多藏者亦有時而亡其名利者亦不能常於
我有故知名不必戀利不必貪從可知矣惟知足者識功名
爲儻來貨財爲外物而不貪不戀知足常足而無所不足知
止則止而安其所止則無辱無危以全天之與我者安乎自
然頤養天真保合太和則性可以盡命可以至身可以長久
以盡天之與我者而無愧矣

大成若缺章第四十五

大成若缺其用不敝大盈若冲其用不窮大直若屈大巧若拙
大辯若訥躁勝寒靜勝熱清靜爲天下正

成若缺然爲未成則進修之業未可量而其所造就者必成

道藏輯要

道德下經釋辭

器

心集九
六十一

大常若不足其用日新何敝之有也雖盈若虛之未滿則謙
光之德不可限如無若虛其用不竭何窮之有也屈已以從
人而人信之不求直而自直直莫大矣巧人而拙已則天下
之巧者皆我之用巧莫大矣訥於言而敏於行則天下口辯
者莫能與我爭辯莫大矣躁極勝寒靜極勝熱理必然也故
有道之士心無邪妄動靜一如超然出於靜躁寒熱之外故
云清靜爲天下正也

天下有道章第四十六

天下有道卻走馬以糞天下無道戎馬生於郊罪莫大於可欲
禍莫大於不知足咎莫大於欲得故知足之足常足

天下有道以戰馬糞地息兵業農也天下無道與戎於郊外
征伐擾民也蓋由貪欲而動起釁生端以致殘害民命罪莫
大也不知止足黷武窮兵以致身危國削禍莫大也必於欲
得暴兵逞強殺人不顧咎莫大也惟知足者常足保境安民
以安其分罪滅禍消而無咎矣以修鍊言之天下有道反情
復性無欲無爲卻走馬以糞意馬安閑靈根發秀天下無道
縱情昧性念慮不休戎馬生於刻意馬馳騁性地荒蕪欲妄
不止罪莫大也貪著不了禍莫大也有而不忘咎莫大也惟
知止足則志有定向而心自靜心靜念止念止意安意安氣
聚氣聚神凝二物均平丹道成矣

道藏輯要

道德下經釋辭

墨

心集九

不出戶章第四十七

不出戶知天下不窺牖見天道其出彌遠其知彌少是以聖人
不行而至不見而名不爲而成

天下雖大人情物理一而已矣雖不出戶以理推之從可知
矣天道雖隱陰陽變化今古常然雖不窺牖以理測之亦可
見矣若以必至而後知必見而後明足跡所至其知幾何目
力所及其見幾何用力愈勞而心愈昏愈求而愈不得故曰
其出彌遠其知彌少也由是知之聖人知不在見名不在色
爲不在事得之於心見之於理一切順乎自然則無不明無
不知故不行而自至不見而自名無爲而自成也承人務求